



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 53. Neo-electi Pontificis Benedicti XIV. genus & idoles.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

Sæc. XVIII
A. C. 1740.

stantibus: solemnem hunc diem ex-
perat nox cælo ad publicum gaudium
mire stellato pellucida; omnes enim
ædes facibus, pictisque laternis collo-
cescebant.

§. LIII.

*Neo-electi Pontificis genus &
indoles.*

Natus erat olim Prosper, nunc Bene-
dictus XIV. neo-electus Pontifex
Bononiæ die trigesima prima Martii
anno salutis nostræ supra millesimum
sexcentesimo septuagesimo quinto. Or-
tum traxit ex Marchionum Lambertini-
norum gente, quæ jam per octo sæcula
inter Bononienses nobilitate, gloria &
vetustate in primis Floruit. Auctorem
habuit Mundum Comitem, cujus Fi-
lius Lambertinus natione Saxo cum
Ottone Cæsare in Italiam veniens, in
Bononiensi urbe consedit, & Guelfo-
rum factioni adhæsit. Ab hac stirpe
porro descenderunt Lambertini surculi
domi militiæque clari, & quod gentis
hujus tandem & gloriam absolvit, mo-
rum sanctitate & eruditionis fama il-
lustrissimi. Eminuere præprimis Imalde
Ord. S. Dominici & Joanna Monialis
Bononiensis S. Claræ, quæ ob virtutum
præstantiam Beatarum honoribus jam
pri-

pridem coli cæperant: non minor huic Sæc. XVIII.
 profapixæ splendor ac decus a dignita- A. C. 1740.
 tibus Ecclesiasticis; Fulserat enim in
 Placentina Ecclesia Episcopus Bernar-
 dus, in Mediolanensi Albertus, & in
 Insulana Cæsar Lambertinus, qui or-
 namenti plus, quam acceperint, suis
 Ecclesiis & populis reddidere.

Literatorum quoque in hac familia
 ingens numerus, ex quibus præ cete-
 ris eminuere Guidus & Petrus, ambo
 egregii legum interpretes, necnon præ-
 fatus Præsul Cæsar, qui præclarum
 de Jurepatronatus librum edidit: ple-
 rumque autem hujus generis Viri arma
 cum literis admirabili quodam nexu
 conjunxerant: præter Guidum enim
 & Petrum Gerardus cum delecta Bo-
 noniensium manu, cui præerat, Gode-
 fredo Bullionio ad recuperandum Christi
 Salvatoris sepulcrum magno auxilio
 fuit, Eganus autem, eo quod pro Ca-
 rolo IV. Cæsare rem bellicam optime
 gessisset, multis honoribus auctus, raro
 Cæsareæ munificentix beneficio aquila
 gentilitio suo stemmati adjungere
 permissus est. Auxerat adeptam Ma-
 jorum gloriam Aldroghettus, cui ob
 Majoricam Insulam, & Valentiam Ur-
 bem Arragonix Regibus claris victoriis
 redditas, Regia insignia pro stemmate
 gen-

Sæc. XVIII. gentilitio habere concessum fuit. Præter
 A. C. 1740. hos alii plures sæculo decimo quarto
 magnam in re militari famam sibi conciliabant, quorum meritis in subsequentibus sæculis tanta Lambertinorum existimatio & gratia apud summos Principes viguit, ut Regina Constantia Friderici Imperatoris Conjux, necnon Petrus Orientis Imperator unacum uxore sua in eorum Palatio hospitari dignarentur, non sine novo familie ornamento; idem quippe Imperator non prius Bononia excedere voluit, quam Guidum tum hujus stirpis Principem solemnibus illius ævi ritu Equitem crearet. Anno etiam Domini millesimo quadringentesimo quadragesimo in gratitudinis testimonium Bononiensis Magistratus præstita sexdecim Reformatorum cautione Lambertinos Poggii Rognatici, quod admodum nobile in agro Bononiensi castrum est, dominio publice donavit, quamvis postea exeunte Sæculo XVII. idem hoc prædium ob iteratas Padi inundationes non sine maximo Lambertinæ Domus, rei que familiaris detrimento ferme penitus devastatum esset: Præterea per plura sæcula Attestini Principes multis honoribus ac beneficiis Lambertinos auxere, & insuper Bononiensis Civitas ex hac gente plurimos eosque amplissimos,

mos, & de Republica optime meritos Sæc. XVIII.
 numerabat Senatores, Guidos, Ega- A. C. 1740.
 nos, Cornelios, aliosque diversi no-
 minis Viros, quos inter ita excelluit
 Eganus Guidi Antonii Filius, ut Bo-
 nonia evocatus, a Ferdinando Impera-
 tore Pro - Rex Siciliae renuntiaretur,
 & Julius II. Pontifex Lambertinius il-
 lis quadraginta Bononiensibus Familiis,
 ex quibus Senatores eligerentur, per-
 petuo jure accenseret. Præclaris his
 Majoribus natus est Prosper Lauren-
 tius Patre Marcello, & Matre Lucretia
 Bulgarinia lectissima Matrona: Vix
 unum ætatis annum attigerat Prosper,
 cum ejus Parens maturius, quam ætas
 & merita ferrent, non sine magno to-
 tius orbis desiderio ac luctu mortuus
 præter Prosperum nostrum adhuc a-
 lium Filium orbos relinqueret, nomine
 Joannem qui primo Ferrariensi Marchio-
 nissæ de Villa, & postea alteri ex Lucensi
 Mansiorum Familia connubio junctus,
 ex primis nuptiis Eganum Marchio-
 nem Lambertinium unicum Benedicti
 XIV. Nepotem, Bononiensem Senato-
 rem, & Filiam, quæ postea Bononiæ
 in Monasterio S. Mariæ Novellæ Mo-
 nialis erat, suscepit. Ut vero Lucretia
 Mater prolium suarum educationi me-
 lius consuleret, secundis nuptiis se
 Aloysio Comiti Bentivolio conjunxit:
 Unde

Sæc. XVIII. Unde Prosper unacum Matre sua
 A. C. 1740. Bentivolios transiit, ibique in Privigni
 ædibus aliquamdiu Christianæ doctrinæ, & literarum rudimentis institutus est: Mox a primis unguiculis in Prospero enituit indoles illa Majorum, vigoris & spiritus plena, generosa profusus, & ad omne genus laudis incitata; his animi dotibus mirifice delectatus Prosperi Avunculus Albertus Vir singulari prudentia præditus puerum in Nobilium Academia optimis Magistris instituendum tradidit; hos inter tum floruit Paulus Pafius, & postea Stancarius Sacerdos ac Civis Bononiensis egregius plane idiomatis latini Institutor, cujus docendi assiduitate, præceptorum commoditate & solertia necnon quotidiana exercitatione Prosper brevi tempore tantum profecerat, ut præ ceteris omnibus excellens, quæ tradebantur, mira celeritate arriperet, singulari firmitate retineret, ac prævolante ingenii acie ante omnem Magistri sui spem aptissime perficeret. E Stancarii disciplina ad Philosophiam se transtulit, in qua dum eminere cæpit, illum unacum fratre suo natu majore Joanne Romam Patruus adduxit, ut ambo sub Patrum de Somascha in Clementino Collegio sua studia prosequerentur, & nova prout

prout unicuique e re & voluntate esset, Sæc. XVIII.
 addiscerent. Agebat tum Prosper non- A. C. 1740.
 nisi decimum quintum ætatis annum,
 sed ingenio & prudentia præmaturus
 intra biennium non modo intermissa
 Philosophiæ studia absolvit, sed &
 Theologiæ, & Canonici ac civili ju-
 risprudentiæ ex Historiæ Ecclesiasticæ
 fontibus tam celeri, tamque glorioso
 fructu operam dedit, ut prodigii loco
 haberetur ad tantam literarum varie-
 tatem adeo profunde haustam tam exi-
 guum ei tempus suffecisse, quod ta-
 men aliis imovix non omnibus vel ad
 unius disciplinæ studium ægre satis esse
 solet: Fluctuabant interim ambo fratres
 de eligendo perpetuo vitæ statu, ubi
 vero Virgilius Malvesius tum Bono-
 niensis Legatus utrumque ad Alexan-
 drum VIII. Papam, qui in Urbem non
 ita pridem venerat, conduxit, hic
 utriusque indolem variis propositis
 quæstionibus explorans, fixe oculos
 suos in Prosperum coniecit, eumque
 quamvis natu minorem esse ignoraret,
 his verbis allocutus est: *quid diu dubiū
 hæretis? Prosper Romæ serviat Ecclesiæ,
 & Joannes patriæ commodis, & generis
 propagationi consulat. Ad hoc Pontifi-
 cis oraculum lætissimus juvenis, cum
 jam a teneris animum ad ordinem sa-
 crum adjecisset, & haud alio magis,
 Hist. Eccles. Tom. LXXVI. Uu quam*

Sæc. XVIII.

A. C. 1740.

quam sacra delectatus fuisset exercitio, ad Clericalis vitæ mores & studia mox cogitationes omnes atque animum convertit. Eapropter Bononiæ Romam Studiorum causa in Collegium reversus, sacris præcipue literis, & omnigena eruditione ingenium suum, supra quam ætas, viresque ferre viderentur, excolere studuit, non aliter ferme corporis oblectamento, quam moderata deambulatione, & erudito colloquio, cujus tamen potuisset, quod fors suis Collegis cum natura festivus esset, atque argutis salibus, & ingeniosis ex tempore dictis tam apte, ac festive temperabat, ut audientium animos atque admirationem in se adeo raperet, ut nil die per urbem venustum & arguto joco conditum audiretur, quod non Lambertino attributum esset. Hoc verborum lepore ac comitate suos quoque condiscipulos ad sciendi aviditatem incitabat, eosque hortabatur, ut illos dies, in quibus a Philosophicis & Theologicis exercitationibus pomeridiana feriæ in Collegio essent, vacuum hoc tempus juris civilis institutionibus impenderent, facta pollicitatione, se cum illis utilissimæ hujus disciplinae arcana secundis curis recollecturum: Placuit cunctis sponso; unde accidit, ut Lam-

bertinus, qui nondum discipulus esse
 desierat, jam altioris disciplinæ Magister
 evaderet, id summopere admirantibus
 ipsis Collegii Præfectis, qui inde facile
 conjectabant, quam magna hic Juvenis
 suo tempore deinceps in Ecclesiæ utili-
 tatem præstiturus esset: Paulopost in
 eodem Collegio præclaram orationem
 perorabat ad Innocentium XII. Papam,
 qui singularem Prosperi eloquentiam,
 latinique sermonis puritatem adeo ad-
 mirabatur, ut eidem omnia tum in
 agro Bononiensi vacantia conferret be-
 neficia, quamvis ea vix centum scuto-
 rum summam adæquarent, exiguum
 quidem meriti præmium, vehemens
 tamen sponte ad majora currenti cal-
 car, laborisque incitamentum. Porro
 adolescentiam egressus, relicto Colle-
 gio literarum ardorem, quarum studio
 mire flagrabat, nihilo imminuit, sed
 quicquid artium sublime, quicquid
 scientiarum profundum erat, avidissime
 hausit; præsertim vero jurisprudentiæ
 tum Canonicæ tum Civili assidue incu-
 buit: Ut vero amplissimum scientiarum
 campum eo feliciter percurrere posset,
 diem habebat in momenta finitum:
 summo mane corpus levabat e strato,
 tum orationi statum tempus dicabat,
 ac reliquum ferme omne temporis in
 Theologico studio absumebat: illam

Sæc. XVIII.
 A. C. 1740.

Uu 2

vero,

Sæc. XVIII. vero, quæ Scholastica vocatur, Meta
 A. C. 1740. physicis distorta abstractionibus, Theo-
 logiam supremis veluti labiis delibabat
 linguis tamen Orientis in subsidium
 vocatis Theologiam suam ex solo Dei
 Verbo, Traditione Apostolica, Syno-
 dorum ac Pontificum decretis, aliorum-
 que veterum Patrum doctrinis, & Hi-
 storix Ecclesiasticæ monumentis eruit.
 His literarum opibus uberrime instru-
 ctus, cum scientiæ suæ lucem sub mo-
 dio abscondere, indignum censeret.
 Advocatum Consistorialem egit, paulo
 post a Clemente XI. Papa Prælati Do-
 mestici accensus, utriusque Signa-
 turæ Referendarius, Promotor fidei,
 S. Officii & in Congregationibus Ri-
 tuum, Immunitatis, & Residentiæ
 Episcoporum renuntiabatur Assessor,
 quibus in muneribus per viginti omnino
 annos exercitissimus, omnem quam
 de se fecerat, spem cumulata laude
 longe superabat: Perorabat etiam cor-
 ram Papa in Consistorio in favorem
 Samuelis Capasulis Patriarchæ Alexan-
 drini ad Ecclesiæ unitatem reversi (*).
 Ingens etiam obsequium præstitit pa-
 triæ suæ in vindicandis Bononiensis
 Urbis juribus & controversiis, quæ circa
 S. Pium V. & Catharinam Vigriam ibi
 dem

(*) Vid. supra Tom. 68. pag. 519.

Sæc. XVIII.
A. C. 1740.

dem movebantur. Creverat porro tan-
topere fama Lambertinae eruditionis,
integritatis, probitatisque, ut Pontifex
hunc Virum non modo Vaticanæ Basi-
licæ Canonicum diceret, sed etiam
amplissimæ Congregationi Concilii Tri-
dentini Interp. a secretis esse vellet.
Ejus quoque opera certatim utebantur
eruditi Viri, Urbisque Magnates; cum
enim doctissimos suos sermones plerum-
que argutis salibus, & honesta joco-
rum venustate condire solitus esset, om-
nes ejus colloquio frui summopere ex-
optabant; nedum tamen solo lepore ac
comitate affluebat, sed & severam fo-
vebat morum gravitatem, & omnige-
nam doctrinam, uti testabantur tum
eruditissimæ ejus lucubrationes in pu-
blicam lucem editæ pro causarum di-
rectione, præsertim vero in enodan-
dis gravioribus fidei controversiis, &
negotiis Canonisationum. Eminuit in-
super multiplici S. Canonum notitia,
Historiæ Ecclesiasticæ, pariterque dog-
maticæ ac Polemicæ Theologiæ scien-
tiis; quocirca ab Innocentio XIII. An-
no 1722. Sacræ Pœnitentiariæ Doctor
Canonista datus, in omnibus causis
maxime arduis in consilium opemque
vocatus est. Mortuo hoc Papa ejus
Successor Benedictus XII. Lamberti-
num maximi habuit, eumque Theo-
dosiæ

Sæc. XVIII. A. C. 1740. dosiæ primo Episcopum dixit, demum de duodecim Noailii articulis iudicium suum ferre iussit; pluribus adhuc Patrum cætibus adscriptus Lambertinus, ubique rara sui ingenii, prudentiæ, moderationis, sanæque censuræ specimina edidit, denique ab eodem Pontifice Anconitanæ Ecclesiæ Episcopus Anno 1726. & biennio post Cardinalium Collegio adscriptus est: Hoc tamen tot tantisque virtutibus ac meritis inclarescens Sydus serenissimo Purpuratorum cælo insertum haud diu Romæ fulsit, quippe fidelissimus gregis sui Pastor ad suam Diæcesin properabat, quamvis omnium ferme desideria essent, ut Cardinalis in forensibus Curia Romanæ causis & arduis fidei negotiis versatissimus, longo usu ac fidelitate comprobata obsequia proximius Sacrae Sedi impendere posset. Prævaluit tamen horum votis sollicitudo Pastoralis, quam ipsemet præfens oves suas ad Divini Eloquii pascua verbo & exemplo conducere nunquam intermisit, donec post hujus Pontificis obitum ad S. Comitiam Romam venire cogeretur, inde vero Clemente XII. electo ac demum coronato mox Anconam reversus, paulo post ad Bononiensem Archiepiscopatum transferebatur: Mox a principio susceptæ Pastoralis curæ præcipuum ejus

studium fervebat ad rem Catholicam, Sæc. XVIII. A.C. 1740.
 Deique cultum tam in Urbe, quam in Provincia promovendum, necnon ad conformandos in melius Cleri sui mores. Eo fine totam suam Diæcesin. & sæpius quidem lustravit, saluberrimis statutis disciplinam Ecclesiasticam stabilivit, atque ejusmodi perdoctas institutiones non modo Bononiæ sed & alibi typis vulgatas in duo volumina digessit, quas ceteri quoque Christiani Orbis Præsules veluti vivum pastoris sollicitudinis exemplar avidissime exceperunt. Sed omnium, quæ moliebatur in Cleri reformationem, celeberrimum juxta ac utilissimum erat Seminarium, quod ad novam commodioremque formam redactum ab imo restituit, eique plane egregios, & doctrina pietateque insignes præfecit Ecclesiasticos, & ne quod bene cæptum, subsidiorum defectu lanquesceret, stabili dote amplos assignavit redditus, suppressis quibusdam Sacerdotiis, aliisque locis piis quasi vetustate deletis, aut desuetudine obliteratis. Hic locus fert, ut reliqua etiam religiosissima largissimæ pietatis Lambertiniæ opera recenseam. Nihil enim adeo clare eluxit in hoc Præsule, quam eas res promovendi studium, unde exterior quoque Deo, & propter ipsum Cælitibus

Sæc. XVIII.

A. C. 1740

honor debitus augetur: eapropter
 usum populi sui nova aperuit oratoria,
 novas Ecclesias construi concessit, Ec-
 clesiam Metropolitanam collatis largite-
 subsidiis ampliavit, splendissimo ædifi-
 cio nobilique fronte absolvendam, or-
 nandamque suscepit, ac spatiosissimam
 porticum nobilissimo fornice instaure-
 tam commodiori populi itineri adapta-
 vit. Pariter ædes S. Joannis in foro,
 necnon veterem ædiculam, quæ *Cruce
 Sanctorum* appellatur, elegantius repa-
 ravit, ac omnia ferme Urbis oratoria
 & Ecclesias ære suo, donis, ope &
 consiliis refecit, picturis exornavit, vel
 sacra suppellectile decentius instruxit.
 Nil insuper prætermisit eorum, quæ
 ad procurandam animarum salutem
 conferrent: eo fine ipsemet gregem
 suum frequentissime Evangelico pavit
 eloquio, quasdam etiam Religiosorum
 Ordinum familias, novosque Verbi Di-
 vini Præcones, in Apostolici laboris
 subsidium in civitatem deduxit, sacras
 quoque Missiones passim in Urbe, atque
 in tota Diæcesi per PP. Dominicanos,
 Franciscanos & Carmelitas quotannis
 haberi præcepit, atque inter alios
 P. Leonardum a Portu Mauritio Con-
 cionatorem eximium & virtutibus cla-
 rum sacro huic ministerio præfecit:
 pauperum quoque necessitatibus succur-
 rere

Sæc. XVIII.
A. C. 1740.

rere intentus, largas in eos eleemosynas distribuit: Denique uberrimum haustæ eruditionis sacræ thesaurum in Ecclesiæ utilitatem profudit, uti testatur eruditum ejus opusculum circa litem inter PP. Minores observantes & Conventuales ob festum Portiunculæ editum, necnon doctissima ejus collectio *notificationum*, edictorum, & instructionum Pastoralium, quas ipse Episcopus condidit, & Joannes Baptista Scarelli antea Cancellarius & postea Bononiensis Vicarius Generalis ac Menitensis Episcopus collectas typis vulgavit. Nec unquam satis laudari potest eximium ejus, omniumque eruditorum suffragiis celebratum vastissimum opus de *Servorum Dei Beatificatione & Canonisatione*, quo in argumento penitus exhauriendo nec primum similem habere visus est, nec sequentem: Aliud adhuc non minus celebre quam utile opus inchoavit Bononiæ de Synodo Diæcesana, quod Pontifex Romæ secundis curis elaboravit, auctumque absolvit, ut viam monstraret Episcopis ad suas rite & laudabiliter Synodos celebrandas.

§. LIV.

Novi hujus Pontificatus auspicia.

Uu 5

Si